

cramentalem, ob instrumentorum diversitatem in ipso usu Sacramenti dirimere & divellere voluerimus.

Atqui, Panis & Corpus Christi, vinum & sanguis Christi, in eodem Sacramento, eademque actione sive usu legitimo, unita sunt sacramentaliter.

Ergo eodem instrumento accipiantur necessum est, ne diversitate instrumentorum unio illa Sacramentalis nefarie dirumpatur.

87. IV. Accedit rursus Ecclesiae primitiva & Orthodoxorum Patrum autoritas: qui hanc Orationem manducationem Corporis Christi, à Christo & Apostolis traditam, suis in scriptis passim studiosissime inculcant & defendunt.

88. August. Serm. 215. de Temp. Videte, inquit, fratres charissimi, si iustum est, ut ex ORE Christianorum, VBI CORPUS CHRISTI INGREDITUR, luxuriosum earmen, aut simile quiddam, quasi venenum Diaboli proferatur.

89. Idem l. 2, contra adversarium legis, cap. 9. Nos, inquit, Mediatorem DEI & hominum, Jesum Christum, CARNEM suam manducandam, bibendumque SANGVINEM dantem, fidei CORDE atque ORE suscipimus.

90. Theodoret. lib. 5, hist. Eccl. cap. 18, refert D. Ambrosium ideo noluisse Imp. Theodosium

ad